

ԳԻՏԱԺՈՂՈՎ՝ ՆՎԻՐՎԱԾ ՀՀ ԳԱԱ ՀՆԱԳԻՏՈՒԹՅԱՆ և
ԱԶԳԱԳՐՈՒԹՅԱՆ ԻՆՍՏԻՏՈՒՏԻ 50-ԱՄՅԱԿԻՆ

Հնագիտության և ազգագրության ինստիտուտն իր գոյության ընթացքում կազմակերպել է բազմաթիվ տեղական և մի քանի միջազգային գիտաժողովներ, որոնցից հատկապես հիշարժան է 1982 թ. Երևանում տեղի ունեցած «Մշակութային առաջընթացը բրոնզի և վաղ երկաթի դարում» գիտաժողովը, որին մասնակցում էին բազմաթիվ հնագետներ խորհրդային տարբեր հանրապետություններից: Դա հնագիտական վերջին միջազգային գիտաժողովն էր Հայաստանում: Այս իմաստով ժամանակի հրամայական պահանջ էր դարձել միջազգային նոր գիտաժողովի հրավիրումը, որը կամփոփեր հայ հնագիտության հատկապես հետխորհրդային ժամանակաշրջանի նվաճումները: Հարմար առիթ հանդիսացավ ՀՀ ԳԱԱ հնագիտության և ազգագրության ինստիտուտի 50-ամյա հոբելյանը: 2009 թ. սեպտեմբերի 15-17-ի ընթացքում հրավիրվեց միջազգային գիտաժողով՝ «Հայաստանի հնագիտությունը տարածաշրջանային համատեքստում. ձեռքբերումները և հեռանկարները» թեմատիկայով, որն իր ընդգրկմամբ ու բնույթով նախադեպը չուներ: Գիտաժողովին զեկուցումներով հանդես եկան 50 հնագետներ Հայաստանից և արտասահմանից: Հայաստան էին ժամանել 20 հնագետներ 11 երկրներից (Վրաստան, Թուրքիա, Բուլղարիա, Ֆրանսիա, Ավստրիա, Գերմանիա, Իսպանիա, Իռլանդիա, Անգլիա, ԱՄՆ, Իսրայել): Մի քանի օրվա ընթացքում քննարկվեցին քարի դարից մինչև միջնադար ընկած ժամանակաշրջաններին վերաբերող տարաբնույթ խնդիրներ: Գիտաժողովի հիմնական լեզուն հայերենն էր և անգլերենը:

Գիտաժողովի առաջին օրը (սեպտեմբերի 15) սկսվեց պաշտոնական բացմամբ. ելույթ ունեցան ՀՀ ԳԱԱ պրեզիդենտ Ռ. Մարտիրոսյանը, ՀՀ ԳԱԱ հայագիտական և հասարակական գիտությունների բաժանմունքի ակադեմիկոս քարտուղար Վ. Բարխուդարյանը, ՀՀ Ազգային ժողովի պատգամավոր Վ. Հովհաննիսյանը և ՀՀ ԳԱԱ հնագիտության և ազգագրության ինստիտուտի տնօրեն Պ. Ավետիսյանը, որոնք կարևորեցին հնագիտական ուսումնասիրությունների դերը և ընդգծեցին հնագիտության զարգացման հեռանկարները Հայաստանում:

Գիտաժողովի առաջին օրվա զեկուցումները նվիրված էին հնագիտության զարգացման ընդհանուր խնդիրներին, Հայաստանում կատարվող հնագիտական միջազգային նախագծերի հիմնական արդյունքներին: Ընթերցվեցին զեկուցումներ հետևյալ բովանդակությամբ. «Հայաստանը և հնագիտության զրոբալ վերափոխումները XXI դարում» (Ա. Քալանթարյան, Գ. Արեշյան, Զ. Մթանիշ և Ռ. Բոյթներ՝ Հայաստան, ԱՄՆ), «Քարի դարի ուսումնասիրության հիմնական արդյունքները Հայաստանում (2001–2009 թթ.)» (Բ. Գասպարյան՝ Հայաստան), «Հայ միջնադարյան հնագիտության ձեռքբերումները» (Ա. Քալանթարյան և Հ. Մելքոնյան՝ Հայաստան), «Հայ-իտալական հնագիտական արշավախմբի աշխա-

տանքները Մևանի ավագանում (1994–2009 թթ.)» (Լ. Բիշինե, Ս. Հմայակյան, Հ. Հակոբյան և Ն. Պարմեջիանի՝ *Հայաստան, Բուայիա*), «Որոտան» ծրագրի ուսումնասիրությունների հիմնական արդյունքները Սյունիքում (2005–2007 թթ.)» (Ս. Զարդարյան և Ս. Մելքոնյան՝ *Հայաստան, ԱՄՆ*), «Կովկասյան օյկումենի հյուսիս-հարավ մշակութային հարաբերությունների խնդիրը բրոնզի և երկաթի դարաշրջաններում» (Կ. Փիցիսելաուրի՝ *Վրաստան*), «Ազոխի քարայրի 2002–2008 թթ. պեղումների արդյունքները» (Յ. Ֆերնանդես-Խավլո, Տ. Քինգ, Պ. Անդրյուս, Լ. Եպիսկոպոսյան, Ն. Մոլոնի, Ջ. Մուրի, Պ. Դոմինգես-Ալոնսո, Լ. Ասրյան, Պ. Դիչֆիելդ, Ջ. վան դեր Մեիդ, Տ. Տորես, Պ. Սևիլա, Մ. Նիետո, Ի. Կակերես, Ե. Ալլուե, Դ. Մարին և Տ. Սամց՝ *Հայաստան, Արցախ, Իսպանիա*),

*Լեռնաշխարհի բնակեցման սկզբնափուլերի առանձնահատկությունների և օրինաչափությունների ուսումնասիրության հարցերին էր նվիրված տարբեր երկրների հետազոտողների մի մեծ խմբի կատարած աշխատանքներն ընդհանրացնող Ռ. Փինհասի երկու զեկուցումները՝ «Հրազդան գետի կիրճի ուսումնասիրության պալեոլիթյան ծրագիրը (2008–2009 թթ.)» (Դ. Ադլեր, Ռ. Փինհասի, Բ. Երիցյան, Կ. Վիլկինսոն, Գ. Բար-Օզ, Բ. Գասպարյան, Ս. Նահապետյան, Կ. Մալոլ, Ֆ. Բերնա, Ռ. Բեյլի, Ռ. Հովսեփյան, Ս. Բլոքլի, Փաին-Օ դոնել և Բ. Շմիդտ՝ *Հայաստան, ԱՄՆ, Բուլանդիա*), «Հովք – 1 քարանձավը. մարդու և արջի գործունեության վերաբերյալ տվյալներ լեռնային միջավայրում» (Ռ. Փինհասի, Բ. Գասպարյան, Կ. Վիլկինսոն, Ս. Նահապետյան, Ռ. Հովսեփյան, Գ. Բար-Օզ, Ռ. Բեյլի, Ա. Բրուխ, Դ. Հոֆման, Դ. Ս. Ադլեր, Ա.Վ. Գ. Փայք և Մ. Ստեֆենս՝ *Հայաստան, Բուլանդիա*): Ջեկուցմամբ ներկայացվեցին նախամարդու գոյատևման համար անհրաժեշտ կենսատարածքների և կենսառեսուրսների, քարիդարյան հուշարձանների՝ ժամանակակից մեթոդներով ու սարքավորումներով անալիտիկ հետազոտությունների արդյունքները, կարևորեց հայաստանյան հետազոտությունների տեղն ու դերը մարդագոյացման ուսումնասիրության բնագավառում:*

Վաղ երկրագործական-անասնապահական հասարակությունների ձևավորման և տարածման խնդիրներն արծարծվեցին «Էպիպալեոլիթը և խալկոլիթը հյուսիսարևմտյան Հայաստանում. ուսումնասիրության նախնական արդյունքները» (Ք. Շատենյե՝ *Ֆրանսիա*), «Նեոլիթի հետազոտությունը Արարատյան դաշտում. ֆրանս-հայկական պեղումներն Առատաշենում» (Պ. Լոմբարդ և Ռ. Բադալյան՝ *Հայաստան, Ֆրանսիա*), «Արենի – 1. նոր տվյալներ Հայկական լեռնաշխարհի վաղագույն քաղաքակրթությունների վերաբերյալ» (Գ. Արեշյան, Բ. Գասպարյան, Պ. Ավետիսյան և Ռ. Փինհասի՝ *Հայաստան, ԱՄՆ, Բուլանդիա*), «Գողեձորի պեղումների արդյունքները (2005–2008 թթ.)» (Պ. Ավետիսյան, Ի. Քալանթարյան, Ք. Շատենյե և Ջ. Պալումբի՝ *Հայաստան, Ֆրանսիա*) զեկուցումներում: Խոսվեց այն մասին, որ տարբեր երկրների և հայ մասնագետների ուժերով կատարվող դաշտային ու անալիտիկ հետազոտություններն առաջին անգամ հնարավորություն են տալիս ձևավորելու Հայաստանի նեոլիթ-էնեոլիթյան մշակութային ժամանակագրական սանդղակը՝ ներկայացված կոնկրետ հուշարձաններով և շերտերով: Նշվեց, որ ձեռքբերված նորագույն տվյալներ արմատապես փոխում են նախկին պատկերացումները վաղ բրոնզի դարի կուր-արաքսյան մշակութա-

յին ընդհանրության ձևավորման ելակետային տարածքների, ժամանակագրության վերաբերյալ:

Գիտաժողովի երկրորդ օրը (սեպտեմբերի 16) նվիրված էր Հայաստանի բրոնզ-երկաթիդարյան հնագիտության խնդիրներին: Մասնավորապես, քննարկման առարկա դարձան վաղ բրոնզի կուր-արաքսյան մշակույթի տարածույթին, փուլաբաժանմանը, թվագրությանը, խեցեղենի տեխնոլոգիային նվիրված խնդիրներ՝ ինչպես ներկայիս, այնպես էլ Արևմտյան Հայաստանի տարածքում: Վրացի գործընկերները Հայաստանի հնագիտական խնդիրներին փորձեցին մոտենալ վրաց հնագիտության վերջին շրջանի ձեռքբերումների լույսի ներքո և հատկապես Թոեղքում կատարված պեղումների արդյունքների հիման վրա: Խոսք եղավ նաև ուրարտական և աքեմենյան մշակույթների դրսևորումների մասին ներկայիս Հայաստանի տարածքում: Լսվեցին հետևյալ զեկուցումները. «Հայաստանի կուր-արաքսյան մշակույթի փուլաբաժանումը և բացարձակ թվագրությունը նոր տվյալների լույսի ներքո» (Ռ. Բադալյան՝ Հայաստան), «Կարագ հույուկի (Էրզրում) խեցեղենը» (Ս. Ըշըկլը՝ Թուրքիա), «Ջողազի վաղբրոնզիդարյան դամբարանները» (Գ. Արեշյան և Ն. Սիմոնյան՝ Հայաստան, ԱՄՆ), «Շենգավթի 2009 թ. պեղումների նախնական արդյունքները» (Ն. Սիմոնյան, Ս. Ռոթման և Դ. Ռահիմի՝ Հայաստան, ԱՄՆ), «Կուր-արաքսյան և նրանից ածանցված խեցեղենի տեխնոլոգիայի համեմատությունը» (Լ. Գրիսբերգ և Ս. Իգերից՝ Իսրայել), «Մեծ Սեպասարի վաղբրոնզիդարյան սրբարանը» (Լ. Եգանյան՝ Հայաստան), «Ագարակի կուր-արաքսյան մշակույթի բնակելի համալիրը» (Գ. Թումանյան՝ Հայաստան), «Նոր տվյալներ Թոեղքյան մշակույթի բացարձակ թվագրության վերաբերյալ» (Կ. Փիցխելաուրի և Ռ. Կիլաձե՝ Վրաստան), «Նոր հնագիտական ուսումնասիրություններ Թոեղքում» (Գ. Նարիմանիշվիլի՝ Վրաստան), «Աղավնատան դամբարանադաշտի պեղումների հիմնական արդյունքները և ժամանակագրությունը» (Լ. Պետրոսյան և Ֆ. Մուրադյան՝ Հայաստան), «Նոր մեթոդաբանական և տեխնոլոգիական ձեռքբերումներ ուշբրոնզիդարյան բնակելի համալիրների ուսումնասիրության բնագավառում. Ծաղկահովտի հարթավայր» (Ի. Լինդգեյ՝ ԱՄՆ), «Քանազեղի դամբարանադաշտի պեղումները (1999–2004 թթ.)» (Ա. Փիլիպոսյան և Ռ. Մկրտչյան՝ Հայաստան), «Երեք արծաթե եղջերագավաթներ Էրեբունիից. նոր տվյալներ Աքեմենյան շրջանի հայկական մետաղագործության վերաբերյալ» (Դ. Ստրոնախի՝ ԱՄՆ), «Արամուսի երկաթիդարյան ամրոցը. հնագիտական տվյալներ արևելյան և հյուսիսային ամրոցներից» (Կ. Կունտներ, Ս. Հայնշ և Ն. Ավետիսյան՝ Հայաստան, Ավստրիա), «Էրեբունիի Խալդիի տաճարի սահմանը. նախնական դիտարկումներ» (Ս. Դեշամպ, Ֆ. Ֆիշե դը Կլերֆոնտեն, Ջ. Տրախնա, Վ. Մուտարելի և Գ. Դավթյան՝ Հայաստան, Ֆրանսիա, Իտալիա), «Պարը և երաժշտությունը Ուրարտում» (Ու. Ջալդի՝ Գերմանիա), «Ուրարտական և աքեմենյան մշակութային տարրերի դրսևորումները Լոռի Բերդի դամբարանային նյութերում» (Ս. Դևեջյան՝ Հայաստան):

Վերջին երրորդ օրը (սեպտեմբեր 17) նվիրված էր հելլենիստական և միջնադարյան Հայաստանի հնագիտության խնդիրներին: Ներկայացվեցին վերջին շրջանում իրականացված այնպիսի հուշարձանների պեղումների արդյունքները

րը, ինչպիսիք են՝ Բենիամինը, Երվանդաշատը, Արցախի Տիգրանակերտը, Արտաշատը, Հոդվիկը, Անին: Ներկայիս Հայաստանի հելլենիստական բնակավայրերը դիտարկվեցին Պարսկահայքի համանման բնակավայրերի համատեքստում: Ուշագրավ էին աքեմենյան հուշարձանների՝ Բիսիթունի, եգիպտական Ջրանցքի կոթողի, Շոշի Դարեհի արձանի, Նաքշ-ի Ռուստեմի և Պերսեպոլիսի արքայական դամբարանների բարձրաքանդակների վրա պատկերված հայերի պատկերագրական առանձնահատկությունների, հայկական զգեստի, ընդհանրապես աքեմենյան միջավայրում հայերի դերի ուսումնասիրությանը նվիրված, ինչպես նաև մոնղոլական նորահայտ դամբարանի և հայոց եկեղեցու թեմերի վերաբերյալ վիճաբանական վկայությունների մասին հաղորդումները: Ներկայացվեցին հետևյալ զեկուցումները. «Աքեմենյան հուշարձանների վրա պատկերված հայերը» (Ս. Ռոսֆ՝ Գերմանիա), «Բենիամին. նոր տվյալներ պալատների և աքեմենյան կենսակերպի վերաբերյալ» (Ֆ. Տեր-Սարտիրոսով, Ս. Դեշամպ, Ֆ. Ֆիշե դը Կլերֆոնտեն և Ե. Մուտարելի՝ Հայաստան, Ֆրանսիա, Իտալիա), «Երվանդաշատի պեղումները (2005–2008 թթ.)» (Ֆ. Տեր-Սարտիրոսով՝ Հայաստան), «Հայաստանի և հյուսիսարևմտյան Իրանի հին հայկական բնակավայրերը. հելլենիստական շրջան» (Ստ. Կրոլ՝ Գերմանիա), «Արցախի Տիգրանակերտի հայտնաբերումը և հնագիտական ուսումնասիրությունների առաջին արդյունքները (2005–2009 թթ.)» (Հ. Պետրոսյան, Լ. Կիրակոսյան, Վ. Սաֆարյան, Ա. Ժամկոչյան, Ռ. Վարդանյան, Ի. Կարապետյան և Տ. Վարդանեսովա՝ Հայաստան, Արցախ), «Արտաշատի պեղումների արդյունքները (2003–2009 թթ.)» (Ժ. Խաչատրյան՝ Հայաստան), «Հոդվիկի հեթանոսական տաճարի ուսումնասիրման խնդիրները և արդյունքները (2006–2008 թթ.)» (Հ. Հակոբյան՝ Հայաստան), «Վիճաբանական վկայություններ հայոց եկեղեցու թեմերի վերաբերյալ» (Գ. Սարգսյան՝ Հայաստան), «Մոնղոլական նորահայտ դամբարան Հայաստանում» (Հ. Մելքոնյան և Դ. Միրիջանյան՝ Հայաստան), «Անիի արվարձանների քարանձավների պեղումները» (Հ. Խաչատրյան՝ Հայաստան):

Գիտաժողովի ընթացքում շրջանառվեցին մեծ քանակության նորահայտ տվյալներ և նյութեր Հայաստանի ու հարակից երկրների նյութական մշակույթի վերաբերյալ: Կարևոր է, որ Հայկական լեռնաշխարհի հնագույն և հին մշակույթին վերաբերող իրողությունները ներկայացվեցին մեկ ամբողջական համատեքստում: Արտասահմանցի հնագետներին ներկայացվեցին նաև հայ հնագետների ձեռքբերումներն Արցախում: Զեկուցումներից բացի կազմակերպվեցին այցելություններ հնագիտական տարբեր հուշարձաններ և թանգարաններ:

Գիտաժողովը կարևոր էր նաև այն իմաստով, որ առաջին անգամ բազմաթիվ հայ ու արտասահմանցի մասնագետներ հանդիպեցին միմյանց, և հնարավորություն ընձեռվեց ուղղակի երկխոսության համար: Գիտաժողովի նյութերը պատրաստվում են հրատարակության հայերեն և անգլերեն: